



Bosnia and Herzegovina  
Federation of Bosnia and Herzegovina

**CANTON SARAJEVO**  
Institute for Informatics and Statistics

Broj: 26-05-41335-547/19  
Sarajevo, 02.07.2020. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**KABINET PREDSJEDAVAJUĆEG SKUPŠTINE**  
n/r Predsjedavajući Skupštine

**PREDMET:** Odgovor na zastupničku inicijativu zastupnice Danijele Kristić, *dostavlja se*  
Veza akt broj: 01-05-41335-51/19 od 22.11.2019. godine  
Veza akt broj: 01-04-5444-43/20 od 03.03.2020. godine

Na 15. Radnoj sjednici Skupštine Kantona Sarajevo, održanoj dana 19.11.2019. godine u okviru tačke Dnevnog reda "Poslanička/zastupnička pitanja, inicijative i odgovori", zastupnica Danijela Kristić je pokrenula zastupničku inicijativu:

„Ovim putem podnosim inicijativu prema Ministarstvu privrede Kantona Sarajevo da zajedno sa Zavodom za informatiku i statistiku Kantona Sarajevo pokrene proceduru akreditacije Zavoda za informatiku i statistiku Kantona Sarajevo kod Instituta za akreditaciju Bosne i Hercegovine, kako bi Zavod za informatiku i statistiku Kantona Sarajevo mogao biti ovlaštena institucija za verifikaciju elektronskih potpisa“.

#### **ODGOVOR:**

Zakon o elektronskom potpisu ("Službeni glasnik Bosne i Hercegovine", broj: 91/06) je donesen 20.09.2006. godine, a stupio na snagu 6 (šest) mjeseci od dana objave u "Službenom glasniku Bosne i Hercegovine" (dan objave: 14.11.2006. godine).

Postupak digitalizacije i izdavanja elektronskih potvrda nije implementiran na odgovarajući način i nalazi se u početnoj fazi. Razvoj informacijsko-komunikacijskih tehnologija i usvajanje odgovarajuće zakonske regulative omogućava izradu i realizaciju neophodnih pretpostavki i uslova za određene promjene u privrednim djelatnostima, odnosima i komunikaciji s građanima, ali i za reformu javne uprave.

Postupak usklađivanja zakonske regulative Bosne i Hercegovine s EU legislativom je izvršen na sljedeći način:

- 2006. godine usvojen Zakon o elektronskom potpisu;
- 2007. godine usvojen Zakon o elektronskom pravnom i poslovnom prometu;
- 2014. godine usvojen Zakon o elektronskom dokumentu;



- 2018. godine započeo rad Ureda za nadzor i akreditaciju ovjerilaca pri Ministarstvu komunikacija i prometa Bosne i Hercegovine.

Ured za nadzor i akreditaciju ovjerilaca je nadzorni organ pri Ministarstvu komunikacija i prometa Bosne i Hercegovine koji je, između ostalog, ovlašten preduzeti mjere kojima se osigurava ispunjavanje obaveza Zakona o elektronskom potpisu i pratećih podzakonskih propisa.

Za akreditaciju Zavoda za informatiku i statistiku Kantona Sarajevo potrebno je ispunjenje sljedećih kriterija i uslova:

- postojanje internih pravila o pružanju usluga i sigurnosni koncept za svaku uslugu u vezi s elektronskim potpisom;
- korištenje postupaka za siguran elektronski potpis;
- utvrditi sigurnosni koncept koji će zadovoljiti sigurnosne zahtjeve propisane Zakonom o elektronskom potpisu i podzakonskim aktima donesenim na osnovu Zakona o elektronskom potpisu;
- demonstracija pouzdanosti koja se zahtijeva za pružanje usluga u vezi s elektronskim potpisom i ovjeravanjem;
- vođenje brzog i sigurnog registra potvrda i osiguranje pružanja neodgodive i sigurne usluge opoziva;
- uspostava i korištenje sigurnog vremenskog pečata;
- zapošljavanje pouzdanih lica, koja za pružanje usluga imaju potrebna specijalistička znanja, iskustvo i stručne kvalifikacije i pogotovo upravljačke sposobnosti i poznavanje tehnologije elektronskog potpisa i odgovarajućih sigurnosnih postupaka;
- finansijska sposobnost za obavljanje djelatnosti u skladu s Zakonom o elektronskom potpisu i podzakonskim aktima donesenim na osnovu Zakona o elektronskom potpisu;
- sposobnost pokrića eventualnih zahtjeva za naknadu štete,
- korištenje pouzdanih sistema, tehničkih sredstava i uređaja, proizvoda i postupaka koji su tehnički zaštićeni od izmjena i koji pružaju tehničku i kriptografsku sigurnost;
- osiguravanje tajnosti podataka za formiranje potpisa, da se podaci za kvalificirane potvrde ne mogu neopaženo iskonstruirati ili falsificirati;
- ispunjavanje kriterija koje utvrdi Evropska komisija, na osnovu člana 3., stav 4. Direktive 1999/93 EZ Evropskog parlamenta i Vijeća od 13. decembra 1999. o okviru Zajednice za elektronski potpis, odnosno uslova i kriterija propisanih Pravilnikom o mjerama i postupcima upotrebe i zaštite elektronskog potpisa, sredstava za formiranje elektronskog potpisa i sistema certificiranja („Službeni glasnik Bosne i Hercegovine“, broj: 14/17);
- izrada, razvoj i održavanje software-a ili hardware-a za formiranje ili provjeru elektronskog potpisa.

Zavod za informatiku i statistiku Kantona Sarajevo ne ispunjava sve prethodne navedene kriterije, te stoga nije moguće ni podnijeti Zahtjev za akreditaciju kod Instituta za akreditiranje BiH niti pokrenuti proceduru akreditacije. Neophodno je utvrditi i započeti proceduru akreditacije, koju Vlada Kantona Sarajevo i Zavod za informatiku i statistiku Kantona Sarajevo moraju zajednički usaglasiti i utvrditi, uz angažman stručnih lica i osiguranje neophodnih finansijskih, tehničkih i drugih sredstava.

Zavod za informatiku i statistiku Kantona Sarajevo se stavlja na raspolaganje i spreman je na puni angažman i zajednički rad na aktivnostima procedure akreditacije.

S poštovanjem,

Dostaviti:

1. Naslovu,
2. Stručna služba Vlade Kantona Sarajevo,
3. Služba za skupštinske poslove Kantona Sarajevo,
4. a/a



web: <http://zis.ks.gov.ba>  
e-mail: [zis@zis.ks.gov.ba](mailto:zis@zis.ks.gov.ba)  
Tel: + 387(0)33 560-470, Fax: +387(0)33 560-490  
Sarajevo, Reisa Džemaludina Čauševića 1